

第一章 地理沿革

一、政区建置

[东汉]班固撰、[唐]颜师古注《汉书》卷六《武帝纪第六》:

(元鼎六年冬十月)遂定越地,以为南海、苍梧、郁林、合浦、交趾、九真、日南、珠崖、儋耳郡。^[1]

[东汉]班固撰、[唐]颜师古注《汉书》卷二十八下《地理志第八下》:

合浦郡,武帝元鼎六年开。莽曰桓合。属交州。户万五千三百九十八,口七万八千九百八十。县五:徐闻,高凉,合浦,有关。莽曰桓亭。临允,牢水北入高要入郁,过郡三,行五百三十里。莽曰大允。朱卢。都尉治。^[2]

[西晋]陈寿撰、[南朝宋]裴松之注《三国志》卷四十七《吴书二》:

(黄武七年春三月)改合浦为珠官郡。^[3]

[南朝宋]范晔撰、[唐]李贤等注《后汉书》卷一百一十三《志第二十三·郡国五》:

合浦郡武帝置。雒阳南九千一百九十一里。五城,户二万三千一百二十一,口八万六千六百一十一。合浦,徐闻交州记曰:“出大吴公,皮以冠鼓。”高凉建安二十五年,孙权立高凉郡。临元,朱崖。^[4]

[南朝梁]沈约《宋书》卷三十八《志第二十八·州郡四》:

高凉太守,二汉有高凉县,属合浦,汉献帝建安二十三年,吴分立,治思平县,不知何时徙。吴又立高熙郡,太康中省并高凉,宋世又经立,寻省。《永初郡国》高凉又有石门、广化、长度、宋康四县。何、徐并无宋康,当是宋初所立,元嘉二十年以前省,其余当是江左所立。领县七。户一千四百二十九,口八千一百二十三。去州水一千一百,去京都水六千六百。……

宁浦太守,《晋太康地志》,武帝太康七年改合浦属国都尉立。《广州记》,汉献帝建安二十三年,吴分郁林立,治平山县。《吴录》,孙休永安三年,分合浦立为合浦北部尉,领平山、兴道、宁浦三县。又云晋分平山为始定,宁浦为润阳,未详孰是。《永初郡国》有安广县,无始定县。何、徐并无此郡。领县六。润阳令,晋武帝太康七年立。《永初郡国》作“简阳”。兴道令,晋武帝太康元年,以合浦北部营之连道立。《吴录》有此县,未详。……

合浦太守,汉武帝立,孙权黄武七年,更名珠官,孙亮复旧。先属交州。领县七。户九百三十八,去京都水一万八百。合浦令,汉旧县。徐闻令,故属朱崖。晋平吴,省朱崖,属合浦。朱官长,吴立,“朱”作“珠”。荡昌长,晋武分合浦立。朱卢长,吴立。晋始长,晋武帝立。新安长,江左立。^[5]

[南朝梁]萧子显《南齐书》卷十四《志第六·州郡上·越州》:

越州，镇临漳郡，本合浦北界也。夷僚^[6]丛居，隐伏岩障，寇盗不宾，略无编户。宋泰始中，西江督护陈伯绍猎北地，见二青牛惊走入草，使人逐之不得，乃志其处，云“此地当有奇祥”。启立为越州。七年，始置百梁、陇苏、永宁、安昌、富昌、南流六郡，割广、交、朱鸢三郡属。元徽二年，以伯绍为刺史，始立州镇，穿山为城门，威服俚僚^[7]。土有瘴气杀人。汉世交州刺史每暑月辄避处高，今交土调和，越瘴独甚。刺史常事戎马，唯以战伐为务。……

合浦郡，徐闻、合浦、朱卢、新安、晋始、荡吕、朱丰、宋丰、宋广。^[8]

[北魏]酈道元《水经注》卷三十六:

水南出交州合浦郡，治合浦县，汉武帝元鼎六年，平越所置也。^[9]

[北魏]酈道元《水经注》卷三十六:

王氏《交广春秋》曰：朱崖、儋耳二郡，与交州俱开，皆汉武帝所置。大海中，南极之外，对合浦徐闻县。^[10]

[北魏]酈道元《水经注》卷三十七:

麓泠县，汉武帝元鼎六年开，都尉治。《交州外域记》曰：越王令二使者典主交趾、九真二郡民，后汉遣伏波将军路博德讨越王，路将军到合浦，越王令二使者，贲牛百头，酒千钟，及二郡民户口簿，诣路将军，乃拜二使者为交趾、九真太守，诸雒将主民如故。……

高帝定天下，使陆贾就立佗为南越王，剖符通使。至武帝元鼎五年，遣伏波将军路博德等攻南越，王五世九十二岁而亡。以其地为南海、苍梧、郁林、合浦、交趾、九真、日南也。^[11]

[唐]房玄龄等《晋书》卷十五《志第五·地理下》:

汉初，以岭南三郡及长沙、豫章封吴芮为长沙王。十一年，以南武侯织为南海王。陆贾使还，拜赵他为南越王，割长沙之南三郡以封之。武帝元鼎六年，讨平吕嘉，以其地为南海、苍梧、郁林、合浦、日南、九真、交趾七郡，盖秦时三郡之地。元封中，又置儋耳、珠崖二郡，置交趾刺史以督之。昭帝始元五年，罢儋耳并珠崖。元帝初元三年，又罢珠崖郡。后汉马援平定交部，始调立城郭置井邑。顺帝永和九年，交趾太守周敞求立为州，朝议不许，即拜敞为交趾刺史。桓帝分立高兴郡，灵帝改曰高凉。建安八年，张津为刺史，士燮为交趾太守，共表立为州，乃拜津为交州牧。十五年，移居番禺，诏以边州使持节，郡给鼓吹，以重城镇，加以九锡六佾之舞。吴黄武五年，割南海、苍梧、郁林三郡立广州，交趾、日南、九真、合浦四郡为交州。戴良为刺史，值乱不得入，吕岱击平之，复还并交部。赤乌五年，复置珠崖郡。永安七年，复以前三郡立广州。及孙皓，又立新昌、武平、九德三郡。蜀以李恢为建宁太守，遥领交州刺史。晋平蜀，以蜀建宁太守霍弋遥领交州，

得便宜选用长吏。平吴后，省珠崖入合浦。交州统郡七，县五十三，户二万五千六百。

合浦郡汉置，统县六，户二千。合浦、南平、荡昌、徐闻、毒质、珠官。^[12]

[唐]魏征等《隋书》卷三十一《志第二十六·地理下》：

合浦郡旧置越州。大业初改为禄州，寻改为合州。统县十一，户二万八千六百九十。

合浦旧置合浦郡。平陈，郡废。大业初置郡。南昌 北流大业初废陆川县入。封山大业初废廉昌县入。定川旧立定川郡。平陈，郡废。龙苏旧置龙苏郡。平陈，郡废。大业初又并大廉县入。海康梁大通中，割番州合浦立高州，寻又分立合州。大同末，以合肥为合州，此置南合州。平陈，以此为合州，置海康县。大业初州废，又废摸落、罗阿、雷川三县入。抱成旧曰抱，并置郡。平陈，郡废。十八年改曰抱成。隋康旧曰齐康，置齐康郡。平陈，郡废，县改名焉。扇沙旧有椹县，开皇十八年改为椹川，大业初废入。铁杷开皇十年置。^[13]

[唐]李吉甫《元和郡县图志》卷三十八《岭南道五》：

如和县，中下。东北至州九十里。本汉合浦县之地。武德五年析钦州南宾、安京二县地置如和县，因县西南四十里如和山为名，属钦州，景云二年割属邕州。^[14]

[唐]李吉甫《元和郡县图志》卷三十八《岭南道五》：

横州，宁浦。下。开元户一千三百七十八。乡十七。

古越地，赵佗王越地，亦属之。汉平南越，置合浦郡，今州即汉合浦郡之高凉县地也，在今高州界。晋于合浦北部置宁浦郡，隋开皇十年废为县，以属简州。十八年改简州为缘州，大业三年废州入郁林郡。隋末陷贼，武德四年平萧铣重置南简州，贞观八年改为横州。至德移于旧州东七里郁江北岸。^[15]

[唐]李吉甫《元和郡县图志》卷三十八《岭南道五》：

钦州，宁越。下。开元户二千二百八十。乡十二。

古越地，非九州之域。尉佗王越，地亦属焉。汉平南越，置合浦郡，今州即合浦郡之合浦县地。按合浦在廉州界，宋分合浦置宋寿郡。梁武帝于今钦江县南三里置安州，隋开皇十八年改安州为钦州，取钦江为名也。大业三年改为宁越郡，武德四年平萧铣，改为州，仍为都督府，贞观元年罢都督府，复为州。

州境：东西六百七十三里。南北四百四十里。

八到：北至上都五千五十五里。东北至东都四千八百五里。东北至横州三百一十里。东至廉州三百三里。西南至陆州七百四十里。

贡、赋：开元贡：银，金。

管县五：钦江，安京，遵化，内亭，灵山。

钦江县，下。郭下。本汉合浦县之地，宋于此置宋寿郡，隋开皇十九年罢郡为钦江县，属钦州。皇朝因之。……

遵化县，下。西南至州二百八十里。隋开皇二十年置，本合浦县地也。

内亭县，下。东南至州一百里。本汉合浦县地，隋开皇十七年置，名新化县，十八年改名内亭，属钦州。皇朝因之。因内亭水为名。^[16]

[唐]李吉甫《元和郡县图志》卷三十八《岭南道五》：

浔州，浔江。下。开元户一千七百一十六。乡五。本汉合浦郡地，贞观七年分置浔州，取北浔江为名。十二年废入龚州，长寿元年又割龚州桂平、皇化、大宾三县重置浔州。^[17]

[唐]李吉甫《元和郡县图志》卷三十八《岭南道五》：

交州……古越地也，秦始皇平百越，以为桂林、象郡，今州即秦象郡地也。赵佗王南越，地又属焉。元鼎六年平吕嘉，遂定越地，以为南海、苍梧、郁林、合浦、交趾、九真、日南、珠崖、儋耳九郡，元封五年置刺史以部之。名曰交趾者，交以南诸夷，其足大趾广，两足并立则交焉。汉本定为交趾刺史，不称州，以别于十二州。建安八年，张津为刺史，士燮为太守，共表请立为州，自此始称交州焉。吴黄武五年，分交趾、日南、九真、合浦四郡为交州，南海、郁林、苍梧三郡为广州，寻省广州，还并交州，以番禺为交州理所，后又徙于交趾。晋太康中，徙理龙编。隋开皇十年，罢交趾郡为玉州，仁寿四年置总管府，大业三年罢州，复为交趾郡。武德四年又改为交州总管府，永徽二年改为安南都护府，至德二年改为镇南都护府，兼置节度，大历三年罢节度置经略使，仍改镇南为安南都护府，贞元六年又加招讨处置使。^[18]

[唐]杜佑《通典》卷一百七十一《州郡一》：

晋武帝太康元年平吴，分为十九州部：置司州，治洛阳；今河南府。兖治廩丘；今濮阳郡雷泽县是。荆河治项；今淮阳郡项城是。冀治房子，今赵郡县。并治晋阳；青治临淄；徐治彭城；荆初治襄阳，后治江陵；今郡。扬初治寿春，后治建业；凉治武威；分三辅为雍，治京兆；今府。分陇山之西为秦，治上邦；今天水郡县。益治成都；分巴汉之地为梁，治南郑；今汉中郡县。分云南为宁，治云南；今郡。幽治涿；今范阳郡范阳县。分辽东为平，治昌黎；今安东府。交治龙编；今安南府。分合浦之北为广，治番禺。又增置郡国二十有三，凡州百五十有六，县千一百有九，以为冠带之国，尽秦汉之土。及永嘉南渡，境宇殊狭，九州之地有其二焉。^[19]

[唐]杜佑《通典》卷一百八十四《州郡十四》：

秦始皇略定扬越，谪戍五方，南守五岭。自北徂南，入越之道，必由岭峽，时有五处。塞上岭一也，今南康郡大庾岭是。骑田岭二也，今桂阳郡腊岭是。都庞岭三也，今江华郡永明岭是。毗渚岭四也，亦江华界白芒岭是。越城岭五也，今始安郡北，零陵郡南，临源岭是。西自衡山之南，东穷于海，一山之限也。后遣任嚣攻取陆梁之地，遂平南越，置郡，此为南海、今南海、始兴、义宁、海丰、恩平、南陵、临贺、高要、感义、晋康、临封、开阳、高凉、连城、新兴、铜陵、怀德

等郡是。桂林、今始安、平乐、蒙山、开江、浔江、苍梧、临江、郁林、平琴、安城、贺水、常林、象郡、龙城、融水、朗宁、怀泽、宁浦、横山、修德、龙池、永定等郡是。象，今招义、南潘、普宁、陵水、南昌、定川、宁越、安南、武峨、龙水、忻城、九真、福禄、文阳、日南、承化、玉山、合浦、安乐、海康、温水、汤泉等郡是。置南海尉以典之，所谓东南一尉者也。任嚣病且死，召赵佗谓曰：“番禺负山险阻，南北东西数千里，可以为国。”遂以赵佗为南海尉。秦末，赵佗遂王其地，汉因封之。佗后数代，其相吕嘉反；武帝使伏波将军路博德讨平之。分秦南海、桂林、象郡，置苍梧、郁林、合浦、日南、九真、交趾，并旧九郡是。元封初，又遣军自合浦徐闻入南海，至大洲，方千里，略得之。置儋耳、珠崖二郡。至元帝时，以其数反，罢弃之。后兼置交趾刺史。领七郡。其余土宇，自汉以后，历代开拓。今临潭、扶南、正平、乐古、珠崖、昌化、延德、琼山、万安等郡是。后汉建武中，交趾女子征侧、妹征贰反，于是九真、日南、合浦蛮俚皆应之，自立为交趾帝。使马援平定交部，始调立城郭，置井邑。至献帝，乃立为交州。领郡七。时张津为交趾刺史，士燮为交趾太守，其上表请立为州，置牧，初理龙编县，即今安南府县也。乃置交州牧，徙理苍梧广信县，即今郡苍梧县也。建安十六年。又徙理南海番禺县，即今郡县也。寻又移理龙编。^[20]

[唐]杜佑《通典》卷一百八十四《州郡十四》:

恩州……秦属南海郡。二汉为合浦郡地。……

春州……秦属南海郡。二汉属合浦郡地。……

高州……秦以前土地与晋康郡同。二汉属合浦郡。……

新州……秦属南海郡。二汉属合浦郡。……

勤州……秦属南海郡。二汉属合浦郡。……

象州……秦属桂林郡。二汉属郁林郡地。吴义分置桂林郡，晋、宋、齐皆因之。隋平陈，置象州，因象山为名。炀帝废入始安郡。大唐复置象州，或为象郡。……领县三：武化、阳寿、武仙……

横州……秦桂林郡。二汉郁林、合浦二郡地。……

招义郡东至当郡吴川县大海一百四十里。南至海康郡二百五十里。西至合浦郡二百五十里。……

罗州……秦属象郡。二汉属合浦郡地。……

潘州……秦属象郡。二汉属合浦郡。……

容州……秦属象郡。二汉属合浦郡。隋为合浦、永平二郡地。……

辩州……秦属象郡。二汉属合浦郡。……

牢州……秦属象郡地。二汉属日南郡。吴省。晋平吴，复置。宋分置南流郡。齐梁曰定川郡。隋属合浦郡。……

廉州今理合浦县。秦象郡地。汉置合浦郡，后汉同。吴改为珠官。晋又为合浦郡。宋因之，兼置临瘴郡及越州。领郡三，理于此。时西江督护陈伯绍请置，遂以为刺史，始立州镇，穿山

为城门，威服俚僚^[21]。齐又因之。炀帝改为禄州，寻改为合州，又废州置合浦郡。大唐置廉州，州界有瘴江。或为合浦郡。领县四：合浦、封山、蔡龙、大廉并汉合浦县。……

岩州……土地与合浦郡同。…一

雷州今理海康县。秦象郡地。二汉以后并属合浦郡地。梁分置合州，大同末，以合肥为合州，以此为南合州。隋平陈，又为合州；炀帝初州废，以属合浦郡。^[22]

[唐]杜佑《通典》卷一百八十八《边防四·南蛮下》：

秦始皇平天下，开岭外，置南海、今南海、始兴、义宁、海丰、恩平、南陵、临贺、高要、感义、晋康、临封、开阳、高凉、连城、新兴、铜陵、怀德、潮阳等郡地皆是。桂林、今始安、平乐、蒙山、开江、苍梧、浔江、临江、郁林、平琴、安城、贺水、常林、象郡、龙城、融水、朗宁、怀泽、宁仁、宁浦、横山、修德、龙池、永定等郡地皆是。象郡。今招义、南潘、普宁、陵水、南昌、定川、宁越、安南、武峨、龙水、忻城、九真、福禄、文阳、日南、承化、玉山、合浦、安乐、海康、温水、汤泉等郡皆是。^[23]

[后晋]刘昫等《旧唐书》卷四十一《志第二十一·地理四》：

汉武帝命伏波将军路博德、楼船将军杨仆兵逾岭南，灭之。其地立九郡，曰南海、苍梧、郁林、合浦、交阯、九真、日南、儋耳、珠崖。后汉废珠崖、儋耳入合浦郡。……

新兴，汉临允县，属合浦郡。晋置新宁郡，梁置新州。……

恩平，州（恩州）所治。汉合浦郡也，隋置海安县。武德五年，改为齐安。至德二年九月，改为恩平也。……

阳春，州（春州）所治。汉高凉县地，属合浦郡，至隋不改也。……

良德，汉合浦县地，属合浦郡。吴置高凉郡，宋、齐不改。……

铜陵，汉临允县地，属合浦郡。宋立泷潭县。隋改为铜陵，以界内有铜山也。……

从化，汉高凉县地，属合浦郡。武德四年，分宁浦置淳风县。贞观元年，改为从化也。……

石城，州（罗州）所治。汉合浦郡地。宋将檀道济于陵罗江口筑石城，因置罗州，属高凉郡。唐复置罗州于县。……

茂名，州（潘州）所治。古西瓠、骆越地，秦属桂林郡，汉为合浦郡之地。……

北流，州（容州）所治。汉合浦县地，隋置北流县。……

博白，州（白州）所治。汉合浦县地，属合浦郡。武德五年，析合浦县置博白县也。……

钦江，州（钦州）所治。汉合浦县地。……

灵山，已上县，并汉合浦县也。……

大廉，武德五年置。四县皆汉合浦县地。……

雷州下，隋合浦郡之海康县。^[24]

[北宋]李昉等《太平御览》卷一百七十二《州郡部十八》：

恩州，《十道志》曰：恩州，恩平郡。秦属南海郡，二汉为合浦郡，唐贞观中置恩州。

春州，《十道志》曰：春州，南陵郡。古越地，秦属南海、象郡，汉合浦郡之高凉县地，晋分置恩平县。唐武德四年讨平萧铣，置春州。……

高州，《十道志》曰：高州，高凉郡。秦以前土地与晋康郡同，二汉属合浦郡。吴置高凉郡，晋因之，梁置高州，隋平陈，郡废而高州如故。唐为高州。《南越志》曰：高凉，本合浦县也。吴建安十六年，衡毅、钱博拒步骘于高安峡，毅投水死，博与其属亡于高凉。吕岱为刺史，博既请降，制以博为高凉都尉，于是置焉。……

新州，《十道志》曰：新州，新兴郡。古越地，秦始皇略取陆梁地，置象郡，今州即其地也。汉为合浦县之临元县。晋穆永和七年，分苍梧郡，于此置新宁郡。梁、隋、唐为新州。

勤州，《十道志》曰：勤州，铜陵郡。秦属南海郡，二汉属合浦郡，隋属信安郡，唐置勤州，或为铜陵郡。……

横州，《十道志》曰：横州，宁浦郡。古越地，秦象郡地，汉为合浦郡之高凉县地。隋于此置简州，又改为缘州，唐改为横州。……

潘州，《十道志》曰：潘州，南潘郡。古瓠骆越地，秦平百越，为桂林郡地。汉为合浦县地，属合浦郡。唐武德四年置南宕州，八年改为潘州。《岭表记》曰：潘州，昔有方士潘茂于此升仙，遂以名郡。

容州，《方輿志》曰：容州，普宁郡。古越地，秦属象郡，二汉属合浦郡。宋太始^[25]七年分合浦县，于此立南流郡。齐、梁、陈不改，隋废。唐武德四年置铜州。贞观八年改为容州，因容山为名。……

辩州，《十道志》曰：辩州，陵水郡。古越地，秦象郡地，二汉属合浦郡，唐置辩州。……

白州，《十道志》曰：白州，南昌郡。古越地，秦象郡地，汉为合浦郡。唐武德四年置南州，六年改为白州。……

廉州，《方輿志》曰：廉州，合浦郡。秦象郡地，汉置合浦郡，后汉同。吴改为珠官。晋又为合浦郡，宋因之，兼置临瘴郡及越州，齐又因之，隋改为禄州，寻又改为合州，唐置廉州。《后汉书》曰：孟尝，字伯周，会稽上虞人，为合浦太守。先时太守多贪珠，遂徙向交趾。尝到，革理前弊，珠遂还，称为神明，桓帝征之。

岩州，《方輿志》曰：岩州，安乐郡。土地与合浦郡同，唐为岩州，或为安乐郡。

雷州，《方輿志》曰：雷州，海康郡。秦象郡地，二汉以后并属合浦郡。梁分置合州，大同末为南合州。隋炀帝初废，唐为雷州。^[26]

[北宋]乐史《太平寰宇记》卷一百五十八《岭南道二》:

恩州，恩平郡。今理阳江县。《禹贡》扬州之分。春秋时，百越地也。秦属南海郡。汉置为高凉县，属交州合浦郡。梁大通中为高州。隋置高凉郡。武德四年平萧铣，置高州都督府，管高、春、罗、辩、雷、崖、儋、新八州；七年割崖、雷、儋、新属广州。贞观二十三年度高州都督府，置恩州。天宝元年改为恩平郡。乾元元年复为恩州。州内有清海军，管戍兵三千人。按《投荒录》云：“恩州为恩平郡，涉海最为蒸湿，当海南五郡泛海路，凡自广至勤、春、高、潘等七州，旧置传舍。此路自广州泛海行数日方登陆，前所谓行人惮海波，不由传舍，故多由新州陆去，今此路惟健步出使与递符牒者经过耳。既当中五州之要路，由是颇有广陵、会稽贾人船循海东南而至，故吴、越所产之物，不乏于斯。”^[27]

[北宋]乐史《太平寰宇记》卷一百五十八《岭南道二》:

春州，南陵郡。今理阳春县。古越地。秦取百越为南海、象郡。汉为合浦郡之高凉县地，晋分置恩平县。隋为高凉郡之阳春县。唐武德四年平萧铣，置春州。天宝元年改为南陵郡。乾元元年复为春州。皇朝平广南，开宝五年废州，以其地隶恩州；至六年复置，仍并流南、罗水二县入阳春一县，又废勤州之富林县入铜陵一县来属，从本道转运使潘美之请也。^[28]

[北宋]乐史《太平寰宇记》卷一百五十八《岭南道二》:

阳春县，三乡。州所理。汉高凉县地，属合浦郡。至隋不改。^[29]

[北宋]乐史《太平寰宇记》卷一百五十八《岭南道二》:

铜陵县，东南六十里。二乡。本汉临允县地，属合浦郡。宋立龙潭县。隋改为铜陵县，以界内有铜山。^[30]

[北宋]乐史《太平寰宇记》卷一百五十八《岭南道二》:

阳江县，元十乡，今三乡。隋置县，因邑界阳江为名。州旧治恩平县，唐大顺二年间兵寇，移州理此。

阳江，自春州阳春县流来。

废恩平县，东一百五十里。旧九乡。汉合浦郡地，隋置海安县。唐武德五年改为齐安县，至德二年改为恩平。去海五十里，旧为州理。^[31]

[北宋]乐史《太平寰宇记》卷一百六十一《岭南道五》:

高州，高粱郡。今理电白县。秦以前土地与晋康郡同。二汉属合浦郡。吴置高凉郡，又立高兴郡。晋亦如之。其后悉并于高凉。齐亦为高凉郡，兼置高州。隋平陈，郡废而州存。炀帝初州废，属高凉、永熙二郡地。唐武德初复置高州。贞观二十三年分西平、杜陵置恩州，高州移治良德县。天宝元年改为高凉郡。乾元元年复为高州。^[32]

[北宋]乐史《太平寰宇记》卷一百六十一《岭南道五》:

电白县，元四乡，今三乡。梁置电白郡，隋改为县。

废良德县，在旧州西北三十七里。汉合浦县地，属合浦郡。吴置高凉郡，宋、齐不改。^[33]

[北宋]乐史《太平寰宇记》卷一百六十一《岭南道五》:

茂名县，西南八十五里。旧五乡，今三乡。古西瓠、骆越地。秦属桂林郡。汉为合浦郡地。隋置定州县。唐武德四年平岭表，于县置南宕州，后改为潘州，仍改县为茂名，以道士潘茂姓名为县名也。梁开平元年改为越裳县。后唐同光初复旧。皇朝开宝五年废潘州，以本州南巴、潘水二县并入茂名，割属高州。

废潘州，本南潘郡，治茂名县。秦属象郡。二汉属合浦郡。唐武德四年置南宕州，领南昌、定川、陆川、思城、温水、宕川六县，治南昌县。贞观六年移理定川，八年改为潘州，仍废思城县。天宝元年改为南潘县。乾元元年复为潘州。按《岭表记》：“潘州因道十潘茂升仙，遂以姓名为郡县之称。”^[34]

[北宋]乐史《太平寰宇记》卷一百六十三《岭南道七》:

新兴县，旧十二乡，今四乡。汉临允县，属合浦郡。晋置新宁郡。梁置新州。^[35]

[北宋]乐史《太平寰宇记》卷一百六十五《岭南道九》:

南流县，东南九十里。旧三乡，今四乡。唐武德四年析容州北流县置，属容州。贞观十一年改智州为牢州，以县来属。皇朝徙于定州水口为理。

废牢州，本定州郡，理南流县。秦为象郡地。二汉属日南郡。吴省。晋平吴复置。宋分置南流郡，齐、梁为定州郡。隋属合浦郡。唐武德二年于今夷州义全县置义州，五年改为智州。贞观十二年改为牢州，以牢石为名。天宝元年改为定川郡。乾元元年复为牢州。本蜀郡徼外蛮夷地，汉牂牁郡地。……

武化县，东六十里。旧四乡，今二乡。汉潭中县地，属郁林郡。隋置建陵县，属桂州。唐武德四年析建陵置武化县，属晏州。贞观十二年废晏州来属，仍自武德县移象州于县置。非秦之象郡，秦象郡，今之合浦县也。大历十一年移州归寿乐宜旧城。^[36]

[北宋]乐史《太平寰宇记》卷一百六十六《岭南道十》:

横州，宁浦郡。今理宁浦县。古越地。秦象郡地。汉为合浦郡之高凉县地。高凉县，今在高州界。《吴录》云：“吴以合浦北郡为宁浦郡。”《广州记》云：“吴分郁林郡置。”隋开皇十年废宁浦、简阳二郡，仍于此置简州，十八年又改简州为缘州。炀帝初废，以地属郁林郡之宁浦县。唐武德四年置简州，领宁浦、乐山、蒙泽、淳风、岭山五县，六年改为南简州。贞观八年改为横州，以横槎为名。天宝元年改为宁浦郡。乾元元年改为横州。^[37]

[北宋]乐史《太平寰宇记》卷一百六十七《岭南道十一》:

废禺州，本温水郡，理峨石县。故越地，婺女之分野。秦属象郡地，隋合浦郡之定川县。唐武德四年置南宕州，领南昌、定川、陆川、思城、温水、宕川六县，治南昌县。贞观六年移治定川，八年改为潘州，仍废思城县。总章元年改为东峨州，移治峨石县；二年改为禺州，以番禺地为名。其州有三梁乌浒之民。天宝元年改为温水郡，乾元元年复为禺州。^[38]

[北宋]乐史《太平寰宇记》卷一百六十七《岭南道十一》：

博白县，旧一乡，今四乡，州所理。唐武德四年析合浦县地置博白县，以博白江为名。博白山，在邑界。

废建宁县，在县西。唐武德四年析合浦县置。贞观十二年省淳良县入。^[39]

[北宋]乐史《太平寰宇记》卷一百六十七《岭南道十一》：

钦州，宁越郡。今理灵山县。本合浦县地，隋宁越郡。唐武德四年平萧铣，改为钦州总管府，管一州，领钦江、安京、南宾、遵化、内亭五县；五年置如和县；其年置玉州、南亭州，并隶钦府，以内亭、遵化二县属亭州。贞观元年罢都督府；二年度玉州，以安海、海平二县并废亭州，以内亭、遵化并来属；十年省海平县。天宝元年改为宁越郡。乾元元年复为钦州。^[40]

[北宋]乐史《太平寰宇记》卷一百六十七《岭南道十一》：

容州，普宁郡。今理北流县。古越地。秦属象州。二汉属合浦郡。宋泰始七年分合浦县于此立南流郡。有陈绍伯僭称王，寻平，复为郡。历齐、梁、陈不改。隋废郡，又为合浦、永平二郡地。唐武德四年平萧铣，于今州东北置铜州，领北流、豪石、宕昌、渭龙、南流、陵城、普宁、新安八县。贞观八年改为容州，以州西容山为名，十一年省新安。开元中升为都督府。天宝元年改为普宁郡。乾元元年复为容州都督府，仍旧置防御、经略、招讨等使，以刺史领之，兼充经略军使。^[41]

[北宋]乐史《太平寰宇记》卷一百六十七《岭南道十一》：

北流县，旧六乡，今二乡。州所理。汉合浦县地，隋置北流县，在廉州界。^[42]

[北宋]乐史《太平寰宇记》卷一百六十七《岭南道十一》：

化州，陵水郡。今理石龙县。古越地，秦属象郡。汉合浦郡之高凉县地。隋高凉郡之石龙县。唐武德五年置罗州；六年移罗州于石城，于旧所置南石州，领石龙、陵罗、龙化、罗辩、慈廉、罗肥六县。贞观九年改南石州为辩州，省慈廉、罗肥二县。天宝元年改为陵水郡。乾元元年复为辩州。州在陵、罗二水之间。^[43]

[北宋]乐史《太平寰宇记》卷一百六十七《岭南道十一》：

石龙县，二乡，今四乡。州所理。汉高凉县地，属合浦郡。唐武德五年属罗州，六年改为辩州。……

废罗州，在县西北一百一十里。本招义郡，理石城县。秦属象州。二汉属合浦郡。宋元嘉三年，镇南将军檀道济巡抚于陵罗江口筑造此城，因置罗州，以江为名，属高凉郡。齐至陈因之。隋平陈，郡废，而罗州如故。炀帝初州废，其地属高凉郡。唐武德五年于石龙县地复置罗州，领石龙、吴川、陵罗、龙化、罗辩、南河、石城、招义、零绿、慈廉、罗肥等十一县；六年移罗州于石城县，于旧所置南石州，割石龙、陵罗、龙化、罗辩、慈廉、罗肥属南石州。天宝元年改招义郡。乾元元年复为罗州。^[44]

[北宋]乐史《太平寰宇记》卷一百六十七《岭南道十一》:

白州，南昌郡。今理博白县。古越地。秦略取陆梁地，置象郡，今州即此地也。汉为合浦县地，唐武德四年平萧铣，于此置南州，领博白、朗平、周罗、龙豪、淳良、建宁六县，六年改为白州。贞观十二年省郎平、淳良二县。天宝元年改为南昌郡。乾元元年复为白州。^[45]

[北宋]乐史《太平寰宇记》卷一百六十七《岭南道十一》:

灵山县，旧二乡。汉合浦县地。旧在州北六十六里。今为州所理。^[46]

[北宋]乐史《太平寰宇记》卷一百六十七《岭南道十一》:

保京县，西南七十里。旧二乡。汉合浦县地，隋至安京县。唐至德二年改为保京县。^[47]

[北宋]乐史《太平寰宇记》卷一百六十七《岭南道十一》:

废钦江县，旧为州所理。汉合浦县地。宋分置宋寿郡及宋寿县。隋改为钦州，仍改宋寿为钦江。^[48]

[北宋]乐史《太平寰宇记》卷一百六十七《岭南道十一》:

废安海县，汉羸倭县地。

废南宾县，汉合浦县地，已上二县，皆唐时废。^[49]

[北宋]乐史《太平寰宇记》卷一百六十七《岭南道十一》:

废石城县，本合浦郡地，宋将檀道济于陵罗江口筑石城，因置罗州，属高凉郡。梁、陈复置罗州。隋废州入高凉郡。唐复置罗州于县。^[50]

[北宋]乐史《太平寰宇记》卷一百六十七《岭南道十一》:

北流县，旧六乡，今二乡。州所理。汉合浦县地，隋置北流县，在廉州界。^[51]

[北宋]乐史《太平寰宇记》卷一百六十九《岭南道十三》:

废廉州，在军北四十里。本秦象郡地。汉为合浦郡，元鼎六年置九郡，即其一也。后汉因之。吴改名珠官。晋又为合浦郡。宋因之，兼置临瘴郡，以界内瘴江为名，及越州领郡三，理于此。时西江都督护陈伯绍请置州，遂以为刺史，始立州镇，穿山为城门，威服俚僚^[52]。按《郡国志》云：“伯绍平夷，至合浦，见三青牛，围之不获，即于其处置城，俗号青牛城。”齐因之。隋煬帝初改为禄州，寻废州，又置合浦郡。唐武德五年置越州，领合浦、安昌、高城、大廉、大都五县。贞观六年置珠池县，其年割大都属白州，八年改越州为廉州，十年废姜州，以封山、东罗、蔡龙三县来属，十二年度安昌、珠池二县入合浦，度高城入蔡龙。天宝元年改为合浦郡。乾元元年复为廉州。

废合浦县，在旧州郭下。汉县，属合浦郡。

大海，在州西南一百六十里。有珠母海，郡人采珠之所，古之合浦也。州界有瘴江，名为合浦江。

废封山县，在旧州西北一百二十里。隋县。唐武德五年置姜州，领封山、东罗、蔡龙三县。贞观十年废州，以县入廉州。

废蔡龙县，在旧州北一百五十里，唐武德中置。

废大廉县，在旧州东南一百里。唐武德五年置。以上四县，皆汉合浦县地，并废入石廉县。

姜山，思乡水，性山，下溪水，以上皆废廉州之山水。

陈王祠。南中有妖鬼，号曰陈王神，面黑眼白，形容丑陋，祈祷有验，人多恶之。陈霸先刻木作影，自敬事之神，与之叙族，尊为叔父。祭昨精洁，动静与神俱。每有施为，多就掷筊，不得好卦，即云王叔不许，颇以惑人。其旁有墓。及受梁禅，尊神为帝。

糠头山，尉佗驻军处。人舂谷，积糠成山，山若鸣，则风飈立至。

殡山，即宋陈伯绍殡妻处。

苏磨峽，《南越志》云：“宁浦郡东南有苏磨峽。”

麻岭。屈璆《道里记》云：“沙麻岭，在宁浦郡南，郡即岭之北垠也。”

合浦水，一名马渡，昔有野马渡此，因名之。

铜船湖。马援铸铜船五双，一留北湖中，四双将过海征林邑。

珠母海，大海在县西南一百六十里。珠母之海去县八十里，采珠之所，即合浦也。凡珠珎出于蚌，蚌母广数寸，长尺余。后汉孟尝，会稽上虞人，为合浦守。先时守宰多贪，珠遂徙向交趾界。尝到，革易前弊，珠复还，称为神明。桓帝征还，吏人攀车请留。尝入船，夜遁。

围州。《交州记》云：“合浦十八里有围州，周围一百里，其地产珠。”^[53]

[北宋]乐史《太平寰宇记》卷一百六十九《岭南道十三》：

雷州，海康郡。今理海康县。秦象郡地，汉合浦郡之徐闻县地，梁分置合州，大同末以合肥为合州，以此为南合州。隋平陈，又为合州。炀帝初州废，以县属合浦郡。唐武德四年平萧铣，置南合州，领海康、隋康、铁杷、椹川四县。贞观元年改为东合州，二年改隋康为徐闻县。八年改东合州为雷州。天宝元年改为海康郡。乾元元年复为雷州。按《投荒录》云：“雷之南滨大海，郡盖以多雷为名，以其雷声近在檐宇之上。雷州之北，高州之南数郡，亦多雷声，似在寻常之外。俗于雷时具酒肴奠焉，法甚严谨，有以彘肉杂置食者，霹雳即至。”^[54]

[北宋]乐史《太平寰宇记》卷一百六十九《岭南道十三》：

海康县，五乡。秦象郡地，汉徐闻县地，属合浦郡。梁分置南合州。隋废州，置海康县。朱梁开平三年曾移州于惊雷江源。至刘氏伪命日，却归海康。^[55]

[北宋]乐史《太平寰宇记》卷一百七十《岭南道十四》：

交州，今理宋平县。古越地。禹贡扬州之裔士，号为百越。在周为越裳重译之地。秦属象郡。汉交趾、日南二郡。《史记》云：“始皇南取百越，以为桂林、象郡。”是也。赵佗王南越，地又属焉。元鼎六年定越，以为南海、苍梧、郁林、合浦、交趾、九真、日南、

珠崖、儋耳九郡。元封五年置交州刺史以部之，不称州者，盖别为十二州也。按交趾之称，今南方夷人，其足大指开广，若并足而立，其指相交。后汉因之，兼置交州领郡，理于此。又《吴志》：“吕岱为交州刺史。到州，高凉贼帅钱博乞降，岱因承制，以博为高凉西部都尉。多送金银赎其罪。又郁林夷贼攻围郡县，岱讨破之。时桂阳、浚阳、中宿、属湘州始兴郡也。临贺、荔浦、冯乘、谢沐诸城贼王金、黄肃、梅伊、梅常、陈尤等寻复蜂起，陆掠州郡。权又诏令岱讨之。岱自讨金，将军曹枉、翟阳讨尤，遂生缚金等斩之，获万余人。后岱迁安南将军，假节，加鼓吹，封都乡侯。黄武五年，吴王以交趾悬远，乃分为两州，割合浦以北海东四郡立广州，吕岱为刺史，割交趾以南分海南三郡，口徽为安远将军，领九真太守，以校尉陈时代燮为交趾。”^[56]

[北宋]曾公亮、丁度《武经总要》前集卷二十《边防》：

钦州，宁越郡，汉合浦县。梁置州，唐初置总管府，本朝移治南宾县。^[57]

[北宋]欧阳修、宋祁《新唐书》卷四十三《志第三十三上·地理七上》：

岭南道，盖古扬州之南境，汉南海、郁林、苍梧、珠崖、儋耳、交趾、合浦、九真、日南等郡。韶、广、康、端、封、梧、藤、罗、雷、崖以东为星纪分，桂、柳、郁林、富、昭、蒙、龚、绣、容、白、罗而西及安南为鹑尾分。……

潘州南潘郡，下。本南宕州南巴郡，武德四年以合浦郡之南昌、定川置。本治南昌，贞观元年徙治定川，八年更名，后徙治茂名。后废，地入高州。永徽元年复以茂名、南巴、毛山三县置。土贡：银。户四千三百，口八千九百六十七。县三。茂名，下。本隶高州，以茂名水名，贞观元年来属。潘水，下。武德五年置，以潘水名，又析南昌、定川置陆川、思城、温水、宕川四县。贞观八年省思成，后以定川、宕川隶牢州，陆川、温水隶禺州，后省南昌。二十三年析潘水置毛山县，以毛山名。其后省潘水县。开元二年改毛山曰潘水。南有博畔镇。南巴。下。本隶高州，武德五年置，永徽元年来属。……

雷州海康郡，下。本南合州徐闻郡，武德四年以合浦郡之海康、隋康、铁杷置。贞观元年更名东合州，八年又更名。土贡：丝电、班竹、孔雀。户四千三百二十，口二万五百七十二。县三。海康，中。遂溪，下。本铁杷、椹川二县，后并省，更名。徐闻。下。本隋康，贞观二年更名。……

容州普宁郡，下都督府。本铜州，武德四年以合浦郡之北流、普宁置。贞观八年更名。元和中徙治普宁。土贡：银、丹沙、水银。户四千九百七十，口万七千八十五。县六。有经略军。普宁，下。北流，下。武德四年析置豪石、宕昌、南流、陵城、新安五县。贞观十一年省新安，后又省豪石、宕昌。北三十里有鬼门关，两石相对，中阔三十步。陵城，下。渭龙，下。武德四年析普宁置。欣道，下。本宁人，隶藤州。贞观二十三年更名，来属。陆川。下。本隶东峨州，唐未来属。……

白州南昌郡，下。本南州，武德四年以合浦郡之合浦地置，六年更名。土贡：金、银、珠。户二千五百七十四，口九千四百九十八。县四。博白，下。武德四年置，并置朗平、周罗、龙豪、淳良、建宁五县。贞观六年以廉州之大都隶之。十二年省朗平、淳良，后又省大都。大历八年以龙豪隶顺州。西南百里有北戍滩，咸通中，安南都护高骈募人平其险石，以通舟楫。建宁，下。周罗，下。南昌。下。本隶潘州，后来属。

顺州顺义郡，下。大历八年，容管经略使王翊析禺、罗、辩、白四州置。土贡：银。户五百儿。县四。龙化，下。武德四年置，以西有龙化水名之，六年隶辩州。温水，下。本隶禺州。南河，下。武德五年析石龙置，隶罗州。龙豪。武德四年析合浦置，隶白州。

廉州合浦郡，下。本合州，武德四年曰越州，贞观八年更名，以本大廉洞地。土贡：银。户三千三十二，口万三千二十九。县四。合浦，中下。武德五年置安昌、高城、大廉、大都四县。贞观六年置珠池县。后以大都隶白州。十二年省珠池、安昌入焉。封山，下。武德五年置姜州，并置东罗、蔡龙二县。贞观十年州废，以封山、东罗、蔡龙来属。后省东罗。蔡龙，下。以蔡龙洞名之。贞观十二年省高城县入焉。大廉。下。^[58]

[北宋]欧阳忞《舆地广记》卷二《晋十九道》：

右交州。领南海、郁林、苍梧、交趾、合浦、九真、日南等郡国，凡七。始秦罢侯置守，郡县天下。汉兴，以秦地太大，更加置郡国。至武帝，攘却胡越，开地斥境，改雍曰凉，改梁曰益。又置徐州，复禹旧号，置交趾、初为交趾，后为交州。朔方，初为朔方，后为并州。凡十三州部刺史，而不常所理。至哀、平之际，新置郡国六十三，与秦四十合一百三焉。^[59]

[北宋]欧阳忞《舆地广记》卷二《晋十九道》：

右广州。领南海、临贺、始安、始兴、苍梧、郁林、桂林、高凉、高兴、宁浦，凡十郡。

晋武帝太康元年，平吴，分为十九州部。置司州，理洛阳；兖，理廩丘；今濮阳郡雷泽县。荆河，理项；今淮阳郡项城；冀，理房子；今赵郡县。并，理晋阳；青，理临淄；徐，理彭城；荆，初理襄阳，后理江陵；扬，初理寿春，后理建业；凉，理武威；分三辅为雍，理京兆；分陇山之西为秦，理上邽；益，理成都；分巴汉之地为梁，理南郑；分云南为宁，理云南；幽，理涿；分辽东为平，理昌黎；今安东府。交，理昌编；今安南府。分合浦之北为广，理番禺。又增置郡国二十有一，凡州百五十有六，县千百有九，以为冠带之国，尽秦汉之土。^[60]

[北宋]欧阳忞《舆地广记》卷三十五《广南东路》：

下 新州 古百越之地，秦属南海郡。二汉属合浦郡。晋属苍梧郡，穆帝分立新宁郡。宋、齐因之。梁立新州。隋平陈，郡废。大业初州废，属信安郡。唐武德四年平萧铣，立

新州。天宝元年曰新昌郡，后改曰新兴。^[61]

[北宋]欧阳忞《舆地广记》卷三十五《广南东路》:

中 新兴县 二汉临允县地，属合浦郡。晋置新宁县，属苍梧郡，穆帝分立新宁郡，后改曰新兴。梁立新州。隋因之，大业初省索卢入焉。唐武德四年，析置索卢、新昌、单牒、永顺四县，后省新昌、单牒，乾元后又省索卢，皇朝开宝五年省永顺，皆入焉。信安镇，本义宁县，宋置，属新会郡。隋属广州。开皇十年，省新夷、初宾二县入义宁，省始康县入封平，大业初省封平入焉。唐属广州。^[62]

[北宋]欧阳忞《舆地广记》卷三十五《广南东路》:

下 南恩州 古百越之地。秦属南海郡。二汉属合浦郡。吴属高兴郡。晋以后因之。齐立齐安郡。梁立桂陵、阳春二郡。隋平陈，郡废，属高州，后属高凉郡。唐武德四年立春州，正观[贞观]^[63]二十年立恩州。天宝元年，恩州曰恩平郡，春州曰南陵郡。五代为南汉所有。^[64]

[北宋]欧阳忞《舆地广记》卷三十六《广南西路上》:

下都督府 容州 古百越之地。秦属象郡。汉属南越，后及东汉属合浦郡。晋、宋以后因之。隋为合浦、永平二郡。唐武德四年平萧铣，立铜州。正观[贞观]八年，改为容州，天宝元年曰普宁郡。^[65]

[北宋]欧阳忞《舆地广记》卷三十六《广南西路上》:

中 北流县 隋置，属合浦郡。唐武德四年立铜州，正观[贞观]八年曰容州，元和中州徙治普宁。故禺州，本东峨州。唐乾封四年，析白、辩、寔、容四州置，总章元年更名，天宝元年曰温水郡。^[66]

[北宋]欧阳忞《舆地广记》卷三十六《广南西路上》:

上 普宁县 本汉合浦县地。后置阴石县。梁立阴石郡。隋废郡，改县为奉化，属藤州。开皇十九年又改今名。唐分属容州，元和中州自北流徙治于此。故绣州，本二汉阿林县地。唐武德四年立陵州，六年更名绣州，天宝元年曰常林郡。皇朝开宝五年州废，及省常林、阿林、罗绣三县入普宁。故欣道县，本隋宁入。唐正观[贞观]二十三年更名来属。故渭龙县，唐武德四年析普宁置，开宝五年并废入普宁。^[67]

[北宋]欧阳忞《舆地广记》卷三十七《广南西路下》:

中下 南流县 本隋北流县地，属合浦郡。唐属牢州，为州治焉。皇朝开宝七年废州，省定川、宕川二县入南流来属，而自郁林县徙州治此。故抚安县，本西瓯之地。唐永淳元年开古党洞立党州，并置抚安、善劳、善文、宁仁、安仁、怀义、福阳、古符八县。二年，析安仁以下四县立平琴州。垂拱三年州废，神龙元年复置。天宝元年党州曰宁仁郡，平琴州曰平琴郡。至德中更安仁曰容山，后废平琴州入党州，后又省善文、宁仁、福阳、古符四县。……

中 博白县 本汉合浦县地。唐武德四年析立南州，兼置博白、周罗、建宁等县，而州治博白。六年更名白州，天宝元年曰南昌郡。^[68]

[北宋]欧阳忞《舆地广记》卷三十七《广南西路下》：

上 合浦县 汉立合浦郡。吴曰珠官郡。晋复为合浦郡。宋兼立越州。时州始立，以西江督护陈伯绍为刺史，凿山为城门，以威服俚僚^[69]。齐、梁、陈因之。隋废，大业初复立。唐为越州，正观[贞观]中改为廉州，以本大廉洞地。皇朝开宝五年省封山、蔡龙、大廉三县入合浦，太平兴国八年省合浦入石康，咸平元年复置。故封山、蔡龙，唐武德五年置，属廉州。正观[贞观]十年来属。故大廉县，武德五年分合浦置。有糠头山，昔南越王佗屯军于此，舂谷积糠如山。有廉江、瘴江，一名合浦。有珠母海，郡人采珠之所。东汉时，郡政烦苛，珠徙。交趾孟伯周为守，有惠化，去珠复还。^[70]

[北宋]欧阳忞《舆地广记》卷三十七《广南西路下》：

中下 上林县 唐武德四年析岭方置，及立南方州。正观[贞观]八年改曰澄州，天宝元年曰贺水郡。皇朝开宝五年州废，以县属邕州，端拱三年来属。故止戈、无虞二县，与上林同置，属澄州。故贺水县，武德四年析马平置，属柳州，八年属澄州，开宝五年皆省入上林。有上林洞、都泮水。

下 横州 春秋、战国为骆越之地。秦属桂林郡。汉属郁林、合浦二郡。吴立宁浦郡。晋、宋、齐因之。梁分立简阳郡。隋平陈，二郡并废，立简州。开皇十八年改为缘州。大业二年州废，属郁林郡。唐武德四年立简州，六年改曰南简州。正观[贞观]八年更名横州，天宝元年曰宁浦郡。五代为南汉所有。^[71]

[北宋]欧阳忞《舆地广记》卷三十七《广南西路下》：

下 宁浦县 本汉广郁县地。吴分置宁浦县及立郡。晋以后因之。梁分立简阳郡。隋立简州，改为缘州。唐为南简州，改为横州。故从化县，本淳风，武德四年分宁浦置，正观[贞观]元年更名。故乐山县，本汉高凉县地，属合浦郡。梁立乐阳郡。隋平陈，郡废，为乐阳县，属尹州，开皇十八年更名。唐武德四年来属。^[72]

[北宋]欧阳忞《舆地广记》卷三十七《广南西路下》：

下 化州 古百越之地。秦属象郡。汉属南越，后及东汉属合浦郡。吴属高兴郡。晋以后属高凉郡。梁复高兴。隋平陈，郡废，属罗州。大业初州废，属高凉郡。唐武德五年属罗州，六年立南石州。正观[贞观]九年改为辩州，天宝元年曰陵水郡。天祐元年，朱全忠以“辩”、“汴”声近，更名勋州，后复故。^[73]

[北宋]欧阳忞《舆地广记》卷三十七《广南西路下》：

下 石龙县 本汉高凉县地，属合浦郡。皇朝改曰化州。故陵罗、龙化二县，与石龙同置。^[74]

[北宋]欧阳忞《舆地广记》卷三十七《广南西路下》:

中 吴川县 隋属高凉郡。唐属罗州。皇朝开宝五年州废，以吴川来属。故廉江县，本石城。昔宋将檀道济于陵罗江口筑石城，立罗州。梁、陈因之。唐天宝元年更名。故干水县，本石龙，唐改曰招义，又改曰干水。零绿镇，本零绿县。三县皆属罗州、招义郡。^[75]

[北宋]欧阳忞《舆地广记》卷三十七《广南西路下》:

下 高州 古百越之地。秦属南海郡。汉属南越。东汉属合浦、苍梧二郡。吴立高凉郡。晋以后因之。梁兼立高州。隋平陈，郡废。大业初州废，复立高凉郡。唐武德六年立高州，本治高凉。正观[贞观]二十二年徙治良德，天宝元年置高凉郡，大历十一年徙治电白。^[76]

[北宋]欧阳忞《舆地广记》卷三十七《广南西路下》:

下 雷州 古百越之地。秦象郡地。二汉以后属合浦郡。梁分立合州，大同末以合淝为合州，以北为南合州。隋平陈，复为合州。大业初州废，属合浦郡。唐武德五年复立南合州，正观[贞观]元年改为东合州，八年又更今名，天宝元年曰海康郡。^[77]

[北宋]欧阳忞《舆地广记》卷三十七《广南西路下》:

下 海康县 本汉徐闻县地，属合浦郡。梁立南合州。隋为合州，置海康县。唐复为南合州，改曰雷州。故遂溪县，本隋铁杷、椹川二县，属合浦郡。唐武德四年来属，后并省更名。故徐闻县，本隋康，正观[贞观]二年更名。^[78]

[北宋]欧阳忞《舆地广记》卷三十七《广南西路下》:

下 钦州 古百越之地。秦属象郡。汉以后属合浦郡。宋立宋寿郡。齐以后因之。梁兼立安州。隋平陈，郡废，开皇十八年改州曰钦州。大业初州废，立宁越郡。唐武德四年改曰钦州，天宝元年曰宁越郡。^[79]

[北宋]欧阳忞《舆地广记》卷三十七《广南西路下》:

望 灵山县 本汉合浦县地。隋开皇十八年置南宾县。唐正观[贞观]十年更名，后自钦江徙州治此。^[80]

[北宋]欧阳忞《舆地广记》卷三十七《广南西路下》:

下 郁林州 古蛮夷之地。春秋、战国为西瓯。秦立桂林郡，后为南越尉佗所并。汉以后属合浦、郁林二郡。隋平陈，郡废，属尹、越二州。大业初，复属合浦、郁林二郡。唐立牢、党、郁林三州。天宝元年为定川、宁仁、郁林三郡。^[81]

[北宋]欧阳忞《舆地广记》卷三十七《广南西路下》:

下 廉州 古百越之地。秦属象郡。汉属合浦郡。东汉因之。吴改曰珠官郡。晋复曰合浦。宋分立临漳郡，兼立越州。齐、梁、陈因之。隋平陈，郡废。大业初改州曰禄州，寻改为合州。又废，而立合浦郡。唐武德四年立越州，正观[贞观]八年改名，天宝元年曰合浦郡。^[82]

[北宋]欧阳忞《舆地广记》卷三十七《广南西路下》:

下 琼州 汉珠崖县地，自合浦、徐闻南入海，得大州，东西南北方千里。武帝元封元年，略以为儋耳、珠崖郡。自初为郡县吏卒，中国人多侵陵之，故率数岁一反。昭帝废儋耳，并珠崖。元帝用贾捐之言，又弃珠崖郡。东汉置珠崖县，属合浦郡。吴赤乌五年，复立珠崖郡。晋平吴，郡废，入合浦，后复立朱崖郡。梁兼立崖州。陈、隋因之。唐贞观五年析崖州立琼州，天宝元年曰琼山郡。自乾封后，没山洞蛮。正元[贞元][83]五年，岭南节度使李复讨平之。^[84]

[北宋]叶廷珪《海录碎事》卷四上《地部下》:

珠官郡，孙权改合浦为珠官郡。^[85]

[北宋]司马光编著，[元]胡三省音注《资治通鉴》卷六《通鉴释文辨误》:

(泰始)七年，分交、广置越州，治临漳。史炤《释文》曰：临漳本汉邝县地。余按晋愍帝讳邝，改邝县为临漳，寻沦没于石勒，复为邝县。东魏天平初，始复分邝立临漳县。宋分交、广置越州，安能远北界治魏郡之临漳！刘昫曰：廉州合浦县，宋分置临漳郡。则越州之所治者，合浦之临漳也。^[86]

[北宋]司马光编著，[元]胡三省音注《资治通鉴》卷九《通鉴释文辨误》:

南州刺史庞孝恭。史炤《释文》曰：南州，属剑南道，羁縻州，武德二年，开南蛮置。三年更名棘州，四年复故名。余按《新唐书·地理志》，武德四年，以合浦郡之合浦、南昌二县置南州。《通鉴》下文书南越州宁道明、高州首领冯暄俱反。南越州今之廉州，高州今犹如故。则三州相挺而反，皆在岭南道，此所谓南州，乃合浦之南州，非剑南道之羁縻州明矣。^[87]

[南宋]郑樵《通志》卷四十《地理略第一》:

分合浦之北为广，治番禺。^[88]

[南宋]周去非《岭外代答》卷一《地理门》“百粤故地”条:

自秦皇帝并天下，伐山通道，略定扬粤，为南海、桂林、象郡。今之西广，秦桂林是也；东广，南海也；交阯，象郡也。汉武帝平南海，离秦桂林为二郡，曰郁林、苍梧；离象郡为三，曰交阯、九真、日南。又稍割南海、象郡之余壤，为合浦郡。^[89]

[南宋]吕祖谦《大事记解题》卷十二:

郁林郡。今郁林、汉属郁林、合浦二郡。邕、融、象、浔、贵、柳、宾、横州之地；合浦郡，今南、恩、新、容、高、化、雷、钦、廉州之地。^[90]

[南宋]王应麟《通鉴地理通释》卷二《历代州域总叙中》:

武帝开越攘胡，初置十七：南海、苍梧、郁林、合浦、交阯、九真、日南、珠崖、儋

耳九郡。

交州刺史部：南海、郁林、苍梧、交趾、合浦、九真、日南七郡。^[91]

[南宋]王称《东都事略》卷一百三十《附录八》：

交趾，本南粤之地。汉武帝平南粤，分其地为儋耳、朱崖、南海、苍梧、郁林、合浦、交趾、九真、日南，凡九郡，置交趾刺史以领之。^[92]

[元]马端临《文献通考》卷三百二十三《舆地九》：

南恩州，秦属南海郡。二汉为合浦郡地。……

春州，秦属南海郡。二汉属合浦郡地。……

高州，秦以前土地与晋康郡同。二汉属合浦郡。……

新州，秦属南海郡。二汉属合浦郡。……

横州，秦桂林郡。二汉郁林、合浦二郡地。……

罗州，秦属象郡。二汉属合浦郡地。……

潘州，秦属象郡。二汉属合浦。……

容州，秦属象郡。二汉属合浦郡，隋为合浦、永平二郡地。……

化州，秦属象郡。二汉属合浦郡。……

白州，秦属象郡。二汉属合浦郡。……

牢州，秦为象郡地。二汉属日南郡。吴省，晋平吴复置。宋分置南流郡，齐、梁曰定川郡，隋属合浦郡。……

廉州，秦象郡地。汉置合浦郡，后汉同。吴改为珠官。晋又为合浦郡。宋因之，兼置临漳郡及越州，齐又因之。炀帝改为禄州，寻改为合州，又废州置合浦郡。唐置廉州，或为合浦郡，属岭南道，领县四。……

雷州，秦象郡地。二汉以后，并属合浦郡地。梁分置合州，大同末，以合肥为合州，此为南合州。隋平陈不改。炀帝初州废，属合浦郡。唐置雷州，或为海康郡。属岭南道。领县三。……

岩州，土地与合浦郡同。^[93]

[元]马端临《文献通考》卷三百十五《舆地考一》：

晋武帝太康元年平吴，分为十九州部。置司州，治洛阳；兖，治廩丘；豫，治项；冀，治房子；并，治晋阳；青，治临淄；徐，治彭城；荆，初治襄阳，后治江陵；扬，初治寿春，后治建业；凉，治武威；分三辅为雍，治京兆；分陇山之西为秦，治上邦；益，治成都；分巴汉之地为梁，治南郑；分云南为宁，治云南；幽，治涿；分辽东为平，治昌黎；交，治龙编；分合浦之北为广，治番禺。^[94]

[元]马端临《文献通考》卷三百二十八《裔考七》:

交趾，本汉初南越之地，汉武帝平南越，分其地为儋耳、珠崖、南海、苍梧、郁林、合浦、交趾、日南、九真，凡九郡，置交趾刺史以领之。^[95]

[明]宋濂等《元史》卷六十三《地理六》:

廉州路，唐为合浦郡，又改廉州。元至元十七年，设总管府。户五千九百九十八，口一万一千六百八十六。领县二：合浦，石康。^[96]

[明]姚虞《岭海舆图》:

高州府，汉末孙权以合浦之高凉县置高凉郡，梁置高州，历隋、五代。

廉州府，古合浦郡，吴为珠官郡，寻复。刘宋置越州郡，历隋、梁、唐，各易置，贞观中改廉州。

雷州府，汉置徐闻县，属合浦郡，历齐、梁。陈始为雷州，更合州，唐复为雷州，历代因之。^[97]

[明]李贤等《大明一统志》卷八十一《肇庆府》:

《禹贡》扬州之南境，天文牛、女分野。春秋时为百粤地，秦为南海郡地，汉武帝平南粤，为苍梧、合浦二郡地。三国吴及晋属苍梧郡。刘宋置绥建郡，治四会县。梁置高要郡，治高要县。隋平陈，废绥建郡，入四会县。又废高要郡，置端州。大业初改信安郡。唐复改端州，又于四会县置南绥州，属岭南道。贞观中改为潯州，寻废。天宝初改端州为高要郡，乾元初复为端州。

古越地，天文牛、女分野，秦为南海郡地，汉为合浦郡之高凉县，三国吴置高凉郡，后又置高兴郡。晋以高兴并入高凉郡，刘宋复置高兴郡，梁兼置高州。隋平陈，郡废州存。大业初，废州置高凉郡，治高凉县。唐武德中复置高州。天宝初改高凉郡。乾元初复为高州，治电白县。

古南粤地，天文翼、轸分野，秦为象郡地，汉武平南粤，置合浦郡，三国吴改珠官郡，未几复为合浦郡，刘宋于郡置越州。隋初，郡废州存，大业初改曰禄州，寻改为合州，又废州，为合浦郡，治合浦县。唐初罢郡，复置越州，贞观中改为廉州，因郡有大廉洞，故名。天宝初复为合浦郡，乾元初又复为廉州。^[98]

[明]李贤等《大明一统志》卷八十二《廉州府》:

古粤地，天文牛、女分野。秦平百粤，置三郡，此属象郡。汉为徐闻县，属合浦郡。梁分合浦郡，置合州，寻改南合州。隋仍为合州，治海康县。大业初州废。唐武德间，复置南合州。贞观初改为东合州，寻又改为雷州，因郡有擎雷水，故名。天宝初，改为海康郡，至德初复为雷州。

占粤地，天文牛、女分野。汉武平南粤，置珠崖、儋耳二郡。昭帝罢儋耳并入珠崖，

元帝又罢珠崖郡。东汉置珠崖县，隶合浦郡。三国吴置珠崖郡，治徐闻县。晋省，入合浦。梁置崖州及珠崖郡，治义伦县，隋初郡废。大业中，州废，复置珠崖郡及置儋耳、临振二郡。庸置崖州及儋振等州，后又增置琼州，治琼山县。天宝初改琼山郡，乾元初复为廉州。^[99]

[明]章潢《图书编》卷二十八《天圆地方图》:

南越之地，汉分儋耳、珠崖、南海、苍梧、合浦、郁林、九真、日南等郡，而交州刺史领之。^[100]

[明]章潢《图书编》卷二十九《地道总叙》:

广东广州府，扬州之南境，牛、女分野。春秋为南越地。秦置南海郡。后赵佗据其地。汉武为南海郡。韶州府，古扬州。牛、女分野。春秋为百粤地。战国属楚。秦为南海郡。汉初属南越。汉武属桂阳郡。南雄府，古雄州，牛、女分野，战国属楚。秦属南郡。汉兼属桂阳郡。惠州府，古扬州，牛、女分野。秦为南海郡，汉初属南越国。潮州府，古扬州，牛、女分野，古为闽越地。秦属南海郡。汉初属南越。肇庆府，扬州之南境，牛、女分野。春秋为百粤地，秦为南海郡，汉为苍梧、合浦二郡。高州府，古越地，牛女分野。秦为南海郡，汉为合浦郡，三国吴置高凉郡。廉州府，古南越地，翼、轸分野。秦为象郡，三国吴改珠崖郡。雷州府，古百粤地，牛、女分野，汉为徐闻县。琼州府，古百越地，牛、女分野，汉武置珠崖、儋耳二郡。^[101]

[明]章潢《图书编》卷三十二《周职方春秋列国图总叙》:

晋初分为十九州部，置司州，治洛阳；兖，治廩丘；豫，治项；冀，治房子；并，治晋阳；青，治临淄；徐，治彭城；荆，初襄阳，后江陵；扬，治寿春，后建业；凉，治武威；分三辅为雍，治京兆；分陇山之西为秦，治上邦；益，治成都；分巴汉为梁，治南郑；分云南为宁，治云南；幽，治涿；分辽东为平，治昌黎；交，治龙编；分合浦之北为广，治番禺。^[102]

[明]章潢《图书编》卷三十二《周职方春秋列国图总叙》:

在天文牵牛、婺女，则越之分野，兼得楚之交。秦始皇略定杨越，谪戍五方，南守五岭。后遣任嚣攻取陆梁之地，遂平南越，置郡，此为南海、桂林、象，置南海尉以典之，所谓东南一尉者也。秦末赵佗遂王其地，汉因封之。佗后数代，其相吕嘉反叛，武帝使伏波将军路博德讨平之。元封初又遣军自合浦、徐闻入南海，至大州，方千里，略得之，后兼置交趾刺史。其余土宇，自汉以后，历代开拓。后汉建武中，交趾女子征侧、妹征贰反，于是九真、日南、合浦蛮俚皆应之，自立为交趾帝。使马援平定交部，始调立城郭，置井邑，至献帝乃立为交州。其边州诏使持节给鼓吹，以重威镇，加九锡六佾之舞。^[103]

[明]章潢《图书编》卷四十九《两广总图》:

汉孝武帝平南粤，陀孙光降，以其地为南海、苍梧、郁林、合浦、日南、九真、交趾、

儋耳、珠崖九郡，置交趾部刺史领之，治苍梧。元帝时罢儋耳、珠崖。历东汉末，七郡如故。吴仍汉制，分领于荆、交二州。其后析合浦以北，南海、苍梧、郁林三郡属广州，治番禺，余乃属交州治龙编。……宋泰始中，置越州，与交、广并三刺史部治。合浦析置宋寿、南流、临漳等八郡属之，又析置宋康、绥建、海昌、宋熙、乐昌始属广州，而珠崖亦稍收为郡。^[104]

[明]彭大翼《山堂肆考》卷十五《地理》:

粤地牵牛、婺女之分野也。三代时盖藩服，世称古百粤。粤即越国，周显王时楚灭越，其族散处江南海上，各为君长。有瓠越、雒越之属，甚蕃，故曰百粤。以粤为扬州南境，又曰扬越。秦始皇利粤犀象、珠玕，乃使尉屠睢统五军，监禄凿渠以通粮道，杀西瓠君译吁宋。越人皆入丛薄中与禽兽处，莫肯附秦。阴置桀骏，以为将夜攻秦人，杀尉屠睢，秦乃发戍备。之后王剪灭楚，乘胜略定扬越、陆梁地，为桂林、象郡。秦末，为南越王赵佗所据。传至赵光时，汉武平南越，光遂降汉，以其地为苍梧、郁林、合浦郡，属交趾部。又三越，杭州为吴越，广州为南越，福州为闽越。或问闽中谓之闽越者何，盖秦立闽中郡，及汉兴师，越人佐汉有功，复立无诸为闽越王。王闽中故地，郡治今建宁之建安，福州之侯官是其地，故谓之闽越。^[105]

[明·崇祯]张国经修，郑抱素订正《廉州府志》卷一《图经志》:

廉州府……合浦、高城、安昌、大廉、大都。贞观中改为廉州，属岭南道。寻复为合浦郡，隶邕管经略使。五代时为伪汉刘隐之所据。^[106]

[明·崇祯]张国经修，郑抱素订正《廉州府志》卷一《图经志》:

廉州府，三代以前为百粤地，在禹贡之外，未入职方。秦始置合浦郡，隶象郡。汉置合浦郡，领县五。合浦、徐闻、高凉、临元、朱崖。三国时，吴改合浦郡为珠官郡，寻复为合浦郡，领县五。晋因之。刘宋太始中，以合浦郡兼置临漳郡及越州，梁又拓其地，置交州，分合浦、徐闻置合州，寻改为南合州。隋废合浦郡为禄州，又为合州，寻复之。唐武德中改合浦郡为越州，领县五。合浦、高城、安昌、大廉、大都。贞观中改为廉州，属岭南道。寻复为合浦郡，隶邕管经略使。五代时为伪汉刘隐之所据。

合浦县，汉元鼎六年始置，合浦县属合浦郡。吴、晋因之。隋废其县。唐复之，隶越州，贞观八年改越州为廉州。^[107]

[明·崇祯]张国经修，郑抱素订正《廉州府志》卷二《地理卷》:

蔡龙县，旧在廉州北一百五十里。唐初置，属姜州。贞观中，改为廉州，后废。

东罗县，唐初置，属姜州。贞观中，省入廉州，后废。

大廉县，在旧廉州东南一百里。唐初置，后废，入石康。

高城县，在廉州境。贞观中，省入蔡龙县。^[108]

[清]张英等《御定渊鉴类函》卷三百三十四《州郡部一》:

晋太康平吴之后，天下一统，平吴得州四，交、广、荆、扬也，郡四十三。孙权置临贺、武昌、朱崖、新安、庐陵五郡，孙亮又置临川、临海、衡阳、湘东四郡，孙休置天门、建平、建安、合浦四郡。^[109]

[清]张英等《御定渊鉴类函》卷三百三十五《州郡部二》:

原案叙岭南道者，《禹贡》扬州之南境，其地皆粤之分。《地理志》云：今苍梧、蔚林、合浦、交趾、九真、日本、南海，皆粤分。自岭而南至海，尽其地。广州，故南海郡。秦末，南海尉赵佗王有其地。^[110]

[清]张英等《御定渊鉴类函》卷三百三十八《州郡部五》:

又曰雷州府，古粤地，天文牛、女分野。秦属象郡。汉曰徐闻。梁、隋曰合州，曰海康。唐曰雷州。元、明为雷州府。国朝因之。领县三：海康、遂溪、徐闻。又曰廉州府，古南粤地，天文翼、轸分野。秦为象郡地。汉曰合浦。三国吴曰珠官。刘宋曰越州，隋曰合州，唐曰廉州。宋曰太平。元、明为廉州府。国朝因之。领州一：钦。县二：合浦、灵山。^[111]

[清·雍正]金鉉《广西通志》卷四《图经》“广西总图经”:

粤以东属南海郡，粤以西属桂林郡。而庆远、思恩、太平以达交州，俱属象郡焉。汉武平南越，赵佗孙光降，以其地为苍梧、郁林、合浦郡，属交趾部。三国吴析合浦以北苍梧、郁林郡，属广州。^[112]

[清·雍正]金鉉《广西通志》卷七《沿革二》:

省西南八百五十里为南宁府，古邕管也。十万山之险峙其南，昆仑之塞踞其北，地本左江，而江流一出广源，一出蒺利，又自有左右两江之号。两江之所包络，地方数千里，蛮峒三十六，而总其枢于南宁。是以内制诸蛮，外控交趾，于斯为重地云。秦为桂林，两汉为郁林、合浦。至晋分置宁浦、晋兴二郡。南朝因之。隋改尹州。自唐及宋，为邕州，列于五管，建牙置帅，与桂州等。^[113]

[清·雍正]金鉉《广西通志》卷九《沿革四》:

省西南千四百一十里，为郁林州北界。梧、浔东南接高、廉，西连横贵、大容之山，绵亘数百里，屹峙其后，南流、定川之水发源容山，绕州而南奔注于海，是交、广之襟喉也。秦属桂林郡，汉以后属合浦、郁林郡地。唐置郁州，又置铜、白、牢三州，寻废铜州为容州，改郁州为郁林州。^[114]

[清·雍正]金鉉《广西通志》卷四十五《古迹二》:

平山县，在州治北。吴置，为合浦北部都尉治，梁时省。今州治东北从化乡，有平山村，盖因旧县得名。兴道县，在州治东南，《宋志》晋太康元年以合浦之连道置，梁时省。^[115]

[清]穆彰阿、潘锡恩等《大清一统志》卷四百四十《广东省》:

《禹贡》荆、扬二州之南裔，周为藩服。《通历》武王灭殷，乃正九服。彻法。以南海地在东南，扬州之裔，定为藩服。战国时为百越，亦曰扬越。《史记·吴起传》吴起相楚，南平百越。又《南越传》秦并天下，略定扬越。张晏曰：扬州之南，越也。按越字，《史记》作越，《汉书》作粤。音义并同。今从《史记》秦时号陆梁地，始皇三十三年取其地，置南海郡。《史记·秦始皇本纪》三十三年，发诸尝逋亡人、赘婿、贾人略取陆梁地为桂林、象郡、南海，以适遣戍。《正义》岭南之人多处山陆，其性强梁，故曰：陆梁。汉初为南越国，元鼎六年平其地，置南海、苍梧、合浦、珠崖、儋耳等郡。《汉书·武帝纪》元鼎六年，定越地以为南海、苍梧、郁林、合浦、交阯、九真、日南、珠崖、儋耳郡。按《地理志》，珠崖、儋耳二郡置在元封九年。今广东，地得汉南海、苍梧、合浦、珠崖、儋耳五郡，余属广西、安南。元封五年，属交阯部刺史。元鼎五年，省儋耳郡，初元三年省珠崖郡，后汉建安中徙交州，治南海郡。王范《交广春秋》交州治羸□县，元封五年徙治苍梧广信县。建安十五年，治番禺县。《宋书·州郡志》汉武帝间百越，交阯刺史治龙编。献帝建安八改曰交州，治苍梧广信县。十六年徙治南海番禺。及分为广州治番禺，交州还治龙编。按二书纪年不同。《水经注》又作建安二十二年迁刑番禺。来知孰是。三国吴黄武五年，分交州置广州，寻罢广州，并属交州。永安六年，复分置广州。按吴黄武中，广州领南海、苍梧、郁林、高凉四郡。其合浦郡别属交州，赤为中后置。高兴、珠崖二郡亦属交州。永安后，广州领南海、高凉、高兴等郡。甘露元年，析桂阳南部置始兴郡，别属荆州。晋太康中平吴，仍为广州及荆、湘、交三州地。《晋书·地理志》广州。太康中平吴，以荆州始安、始兴、临贺三郡来属，统南海、始兴、苍梧、高凉、高兴等共十郡。武帝后省高兴郡。永嘉元年，又以临贺、始兴、始安三郡为湘州。成帝分南海，立东官郡，以始兴三郡还属荆州。穆帝分苍梧，立晋康、新宁、永平三郡。太和中，置新安郡。安帝分东官，立义安郡。恭帝分南海，立新会郡。按晋时合浦郡仍属交州，其珠崖郡省入合浦。南北朝宋初亦为广州，泰始七年分交、广二部，置越州。《宋书·州郡志》广州领南海、苍梧、晋康、新宁、高凉、新会、东官、义安等郡。元嘉九年，分立宋康郡。十三年，立绥化郡。十八年，立宋熙郡，皆属广州。泰始七年，分立越州，领陇苏、临漳、合浦、宋寿等郡。其合浦郡仍属交州。齐因之。《齐书·州郡志》广州领南海、东官、义安、新宁、苍梧、高凉、晋康、新会、广熙、宋康、宋隆、绥建、乐昌、齐康等郡。越州领临漳、合浦、龙苏、高兴等郡。梁天监六年，分湘、广二州，置衡州。普通四年分置成州、合州、建州，五年分置东扬州。自后州郡滋多。《隋书·地理志》梁大通中，割合浦立高州。又有东衡、东瀛、新泷、崖、安、罗等州，皆梁置。陈因之。隋开皇十年，平陈置广、循二州总管府。领涯、冈、潮、高、罗、端、新泷、建、封、越、合、崖、钦、连等州。二十年，废涯州。仁寿元年，改广州为番州。大业初府废，三年改诸州为南海、龙川、义安、高凉、信安、永熙、苍梧、合浦、珠崖、宁越、熙平等郡。《隋书·地理志》诸郡皆属扬州，惟熙平郡属荆州。《元和志》大业六年置临振郡，《隋志》不载。隋末陷于萧铣。唐武德四年，复改诸郡为州，置广州总管府。贞观元年置岭南道。《唐书·地理志》岭南道领广、韶、循、潮、康、泷、

端、新、封、潘、春、勤、罗、高、恩、雷、崖、琼、振、儋、万、安、钦、连、宾、廉、陆等州。天宝元年又改诸州为郡。至德元载置岭南节度使，乾元元年复改诸郡为州。咸通三年分为岭南东道，乾宁三年赐号清海军节度。《唐书·方镇表》至德元载，升五府经略讨击使为岭南节度使，领广、韶、循、潮、康、泷、端、新、封、春、勤、罗、潘、高、恩、雷、崖、琼、振、儋、万、安、藤二十二州，治广州。乾元元年，置韶、连、郴三州都团练使，治韶州。元和元年，岭南节度复领潘、办二州。咸通三年，分岭南节度为东、西道，改岭南节度为岭南东道节度。乾宁二年，赐岭南东道节度号清海军节度。^[116]

[清]穆彰阿、潘锡恩等《大清一统志》卷四百四十七《肇庆府》：

《禹贡》扬州南徼，春秋战国为百越地，秦为南海郡地。元鼎六年平南越，置苍梧郡，领县十，内有高要、端溪、广信、封阳四县。又南海郡之四会，合浦郡之高凉，临允皆今郡属。汉为苍梧郡、南海郡、合浦郡属地。三国吴分属广、交二州，晋因之。宋永初二年，改属南海郡。齐因之。梁天监中始置高要郡。隋平陈，废郡。开皇九年，置端州，府志。开皇九年，省高要郡为县，置端州。大业初改州为信安郡。唐武德四年，复曰端州。见《元和志》《旧唐书·地理志》作元年。天宝元年复曰高要郡，乾元元年复曰端州，咸通三年属岭南东道。^[117]

[清]穆彰阿、潘锡恩等《大清一统志》卷四百四十九《高州府》：

《禹贡》扬州南境，秦为南海郡地。汉为合浦郡高凉县地。三国晋宋为高凉、高兴二郡地。梁为高州地，又分置电白郡。隋平陈，郡废，为高凉、永熙二郡地。时茂名、电白二县属高凉郡。良德县属永熙郡。唐初属高州，贞观八年改潘州，治茂名。二十二年又徙置高州。始自高凉移治良德。天宝初改高州，曰高凉郡，潘州曰南潘郡，乾元初复曰高州、潘州，皆属岭南道。^[118]

[清]穆彰阿、潘锡恩等《大清一统志》卷四百五十《廉州府》：

《禹贡》荆州南境，秦为象郡地。汉为合浦郡之合浦县，郡治徐闻，后汉为合浦郡治。三国吴改为珠官郡，寻复故，《宋书·州郡志》合浦太守。汉武帝立，吴黄武七年更名珠官，孙亮复旧。《寰宇记》以晋复为合浦者误。晋因之。宋泰始七年，分置越州。治临漳，仍领合浦郡。齐、梁凶之。隋平陈，郡废。大业初改州曰禄州，寻复为合浦郡。唐武德五年复曰越州，贞观八年改曰廉州，天宝初曰合浦郡，乾元初复曰廉州，属岭南道。^[119]

[清]穆彰阿、潘锡恩等《大清一统志》卷四百五十一《雷州府》：

《禹贡》扬州南境，秦为象郡地。汉元鼎六年开置合浦，郡治徐闻县。后汉为合浦郡地。时移郡治合浦，即今廉州府。三国吴改为珠官郡，寻复故。晋宋因之。南齐仍移合浦郡来治。梁普通四年分置合州，太清元年曰南合州，隋平陈，复曰合州，治海康县。大业初州废，仍属合浦郡。唐武德四年复置南合州，贞观元年更名东合州，八年始改曰雷州。天宝元年曰海康郡，乾元元年复曰雷州，属岭南道。^[120]

[清]穆彰阿、潘锡恩等《大清一统志》卷四百五十二《琼州府》:

《禹贡》扬州，西南徼外地。《汉书》贾捐之《谏伐珠崖疏》珠崖非《禹贡》所及，春秋所治。春秋战国为扬越地，秦末属南越，汉元封元年开置珠崖、儋耳二郡，始元五年省儋耳郡，初元三年省珠崖郡，入合浦，为都尉治。后汉仍属合浦郡。三国吴赤乌五年，复置珠崖郡。晋平吴，省入合浦。隋大业中复置珠崖郡。治义伦县。唐武德五年置崖州。治舍城县。贞观元年置都督府，五年分置琼州。治琼山县。天宝初改崖州曰珠崖郡，琼州曰琼山郡。乾元初复曰崖州、琼州，俱属岭南道。贞元五年移都督府于琼州。^[121]

[清]穆彰阿、潘锡恩等《大清一统志》卷四百七十四《郁林州》:

古百粤地，秦桂林郡地。两汉至晋为郁林、合浦二郡地。汉郁林郡治布山县，在今浔州府。刘宋分置南流郡，齐又分置定川郡，梁陈时省南流郡。隋平陈，废定川郡，为定川县，属合浦郡。唐武德四年，分置南流县，属容州。贞观十一年徙牢州治南流，兼领定川县，天宝初曰定川郡。乾元初复曰牢州，属岭南道。^[122]

[清]张玉书等《御制佩文韵府》卷三十七之七:

合浦。《汉书·地理志》郡县五，徐闻、高凉、临允、朱卢。又粤地牵牛、婺女之分埜也。今之苍梧、郁林、交趾、九真、南海、日南，皆粤分也。又《南粤传》以其地为儋耳、珠崖、南海、苍梧、郁林、交趾、九真、日南九郡。《后汉书·孟尝传》，尝迁太守，郡不产谷实，而海出珠宝。先时宰守并多贪，诡人采求，不知纪极，珠遂渐徙于交趾郡界。尝到官，革易前敝，未逾，去珠复还，百姓皆反其业。《水经注》牢水南出交州郡治县，汉武元鼎六年平越所置也。《元和志》：钦州，古越地，汉平南越置郡，今州即县地也。《方輿胜览》县海曲出珠，号曰珠池。又廉江在州界，又名江。梁元帝《职贡图》赞：交河悠远□□回遭。刘长卿诗：拥津临□□，上印卧长沙。^[123]

[清·康熙]徐成栋纂修，孙焘校正《廉州府志》卷一《輿图志》:

廉州府……合浦、高城、安昌、大廉、大都。贞观中改为廉州，属岭南道。寻复为合浦郡，隶邕管经略使。五代时为伪汉刘隐之所据。^[124]

[清·康熙]徐成栋纂修，孙焘校正《廉州府志》卷二《地理志》:

蔡龙县，旧在廉州北一百五十里，唐初置，属姜州。贞观中，改为廉州，后废。

东罗县，唐初置，属姜州。贞观中，省入廉州，后废。

大廉县，在旧廉州东南一百里。唐初置，后废，入石康。

高城县，在廉州境。贞观中，省入蔡龙县。^[125]

[清·道光]张埴春总纂，陈治昌纂修，汪运协修《廉州府志》卷五《輿地五》:

蔡龙废县，在合浦县北。《旧唐书·地理志》：武德五年属姜州，正观[贞观]十年州废，属廉州。

东罗废县，在县南，唐初置属姜州。正观[贞观]中省入廉州。^[126]

[清·道光]张埭春总纂，陈治昌纂修，汪运协修《廉州府志》卷一《舆地一》：

廉州至京师六千五百四十七里，去东都五千八百三十六里，东至白州二百里，南至罗州三百五十里，西北至南安府一千里，北至领州七百里。^[127]

[清·道光]张埭春总纂，陈治昌纂修，汪运协修《廉州府志》卷一《舆地一》：

廉州合浦郡，下，本合州。武德四年曰越州，正观[贞观]八年更名，以本大廉洞地。天宝元年改为合浦郡，乾元余年复为廉州。县四：俱在今廉州境。合浦、封山、蔡龙、大廉。^[128]

[清·道光]张埭春总纂，陈治昌纂修，汪运协修《廉州府志》卷一《舆地一》：

廉州合浦郡军事。《元和郡县志》：古越地也。汉平南越置合浦郡，今州即汉合浦郡理也。《图经》云：黄武七年改为珠官郡，寻为合浦。宋置越州。《元和郡县志》：大业三年废合州为合浦郡。《通鉴》：唐平萧铣，隋合浦太守宁宣来降，罢合浦郡，又为越州。玄宗改为合浦郡，后复为廉州。^[129]

[清·乾隆]周硕勋纂修，王家宪等校正《廉州府志》卷二《沿革》：

廉州府，自汉武帝元鼎六年平南越，始置合浦郡，领县五。合浦、徐闻、高凉、临允、朱崖。三国孙吴时改合浦郡为珠官郡，寻复为合浦郡，仍领县五。晋因之。刘宋泰始七年以合浦析置临鄣、越州二郡。齐梁及陈皆因之。隋大业初，废合浦郡为禄州，寻改为合州，又废州为合浦郡，郡治合浦县。^[130]

唐武宪中^[131]，改合浦郡复为越州，领五县。合浦、高城、安吕、大廉、大都。贞观中，改为廉州，属岭南道，因地有大廉洞，故名。天宝初，复为合浦郡，隶邕管经略使。乾元初，复为廉州领县六。合浦、高城、安昌、大廉、大都、博白。唐末五季为南汉所据。^[132]

[清·乾隆]周硕勋纂修，王家宪等校正《廉州府志》卷五《世纪》：

唐太宗正观[贞观]元年丁亥，诏岭南以米充租□（庸）调，便民也。分置越州，寻改廉州。此廉州之始。^[133]

- [1] [东汉]班固撰，[唐]颜师古注《汉书》卷六《武帝纪第六》，中华书局，1962，第188页。
- [2] 同上书，卷二十八下《地理志第八下》，第1630页。
- [3] [西晋]陈寿撰，[南朝宋]裴松之注《三国志》卷四十七《吴书二》，中华书局，1982，第1134页。
- [4] [南朝宋]范晔撰，[唐]李贤等注《后汉书》卷一百一十三《志第二十三·郡国五》，中华书局，1965，第3531页。
- [5] [南朝梁]沈约：《宋书》卷三十八《志第二十八·州郡四》，中华书局，1974，第1197、1202、1208-1209页。
- [6] 僚”，原文为“獠”。因“獠”为民族歧视性称谓，反映出当时的文化偏见与历史局限性，为与目前的政策、形势相适应，我们以历史唯物主义的态度来辩证对待，用偏中性且字形相近的“僚”来替代。后文仍有不少此类情况，依此原则处理，并注出原文。
- [7] “僚”，原文为“獠”。
- [8] [南朝梁]萧子显：《南齐书》卷十四《志第六·州郡上，越州》，中华书局，1972，第267-268页。此条引自“东北入于郁”条小注。
- [9] [北魏]酈道元著，陈桥驿校证《水经注校证》卷三十六，中华书局，2007，第833页。此条引自“过交趾麓泠县北”条小注。
- [10] 同上书，第840页。此条引自“其一又东过县东，南入于海”条小注。
- [11] [北魏]酈道元著，陈桥驿校证《水经注校证》卷三十七，中华书局，2007，第860-873页。
- [12] [唐]房玄龄等：《晋书》卷十五《志第五·地理下》，中华书局，1974，第464-465页。
- [13] [唐]魏征等：《隋书》卷三十一《志第二十六·地理下》，中华书局，1973，第884-885页。
- [14] [唐]李吉甫：《元和郡县图志》卷三十八《岭南道五》，贺次君点校，中华书局，1983，第974页。
- [15] 同上书，第951页。
- [16] 同上书，第953-954页。
- [17] 同上书，第954页。
- [18] [唐]李吉甫：《元和郡县图志》卷三十八《岭南道五》，贺次君点校，中华书局，1983，第956页。
- [19] [唐]杜佑：《通典》卷一百七十一《州郡一》，王文锦、王永兴、刘俊文等点校，中华书局，1988，第4459-4460页。
- [20] [唐]杜佑：《通典》卷一百八十四《州郡十四》，王文锦、王永兴、刘俊文等点校，中华书局，1988，第4911页。
- [21] “僚”，原文为“獠”。
- [22] [唐]杜佑：《通典》卷一百八十四《州郡十四》，王文锦、王永兴、刘俊文等点校，中华书局，1988，第4916-4917、4921-4923、4933、4937、4939-4943、4951-4953页。
- [23] 同上书，卷一百八十八《边防四·南蛮下》，第5080页。
- [24] [后晋]刘昫等：《旧唐书》卷四十一《志第二十一·地理四》，中华书局，1975，第1712页。
- [25] 南朝宋明帝年号“泰始”，此处误作“太始”。
- [26] [北宋]李昉等编《太平御览》卷一百七十二《州郡部十八》，四部丛刊三编景宋本，第1112页。
- [27] [北宋]乐史编《太平寰宇记》卷一百五十八《岭南道二》，王文楚等点校，中华书局，2007，第3037-3038页。
- [28] 同上书，第3040页。
- [29] 同上书，第3041页。
- [30] 同上书，第3042页。
- [31] [北宋]乐史编《太平寰宇记》卷一百五十八《岭南道二》，王文楚等点校，中华书局，2007，第3038-3039页。
- [32] 同上书，卷一百六十一《岭南道五》，第3087页。

- [33] 同[32], 第 3088-3089 页。
- [34] 同[32], 第 3090-3091 页。
- [35] 同上书, 卷一百六十三《岭南道七》, 第 3118 页。
- [36] [北宋]乐史编《太平寰宇记》卷一百六十五《岭南道九》, 王文楚等点校, 中华书局, 2007, 第 3154-3162 页。
- [37] 同上书, 卷一百六十六《岭南道十》, 第 3180 页。
- [38] 同上书, 卷一百六十七《岭南道十一》, 第 3193 页。
- [39] 同[38], 第 3199 页。
- [40] [北宋]乐史编《太平寰宇记》卷一百六十七《岭南道十一》, 王文楚等点校, 中华书局, 2007, 第 3200 页。
- [41] 同上书, 第 3189 页。
- [42] 同上书, 第 3191 页。
- [43] 同上书, 第 3195 页。
- [44] 同上书, 第 3196-3197 页。
- [45] [北宋]乐史编《太平寰宇记》卷一百六十七《岭南道十一》, 王文楚等点校, 中华书局, 2007, 第 3198 页。
- [46] 同上书, 第 3201 页。
- [47] 同[46]。
- [48] 同上书, 第 3202 页。
- [49] 同[48]。
- [50] 同上书, 第 3197 页。
- [51] 同上书, 第 3191 页。
- [53] “僚”, 原文为“獠”。
- [53] [北宋]乐史编《太平寰宇记》卷一百六十九《岭南道十三》, 王文楚等点校, 中华书局, 2007, 第 3227-3229 页。
- [54] 同上书, 第 3229-3220 页。
- [55] [北宋]乐史编《太平寰宇记》卷一百六十九《岭南道十三》, 王文楚等点校, 中华书局, 2007, 第 3231 页。
- [56] 同上书, 卷一百七十《岭南道十四》, 第 3249-3250 页。
- [57] [北宋]曾公亮、丁度:《武经总要》前集卷二十《边防》, 湖南科学技术出版社, 2017, 第 315 页。
- [58] [北宋]欧阳修、宋祁:《新唐书》卷四十三《志第三十三上·地理七上》, 中华书局, 1975, 第 1095 页。
- [59] [北宋]欧阳忞:《舆地广记》卷二《晋十九道》, 四川大学出版社, 2003, 第 28 页。
- [60] 同上书, 第 34-35 页。
- [61] 同上书, 卷三十五《广南东路》, 第 1095 页。
- [62] 同[61], 第 1096 页。
- [63] “正观”即“贞观”, 宋人避仁宗赵祯讳将“贞”改作“正”, 后世若干史志典籍亦时见不加辩证而因袭不改者, 其与宋人相关著述之史源关系由此不难想见。
- [64] 同[61], 第 1098 页。
- [65] [北宋]欧阳忞:《舆地广记》卷三十六《广南西路上》, 四川大学出版社, 2003, 第 1133 页。
- [66] 同上书, 第 1134 页。
- [67] 同[65]。
- [68] 同上书, 卷三十七《广南西路下》, 第 1183-1184 页。
- [69] “僚”, 原文为“獠”。
- [70] [北宋]欧阳忞:《舆地广记》卷三十七《广南西路下》, 四川大学出版社, 2003, 第 1185-1186 页。

- [71] 同上书，第 1176 页。
- [72] 同上书，第 1177 页。
- [73] 同上书，第 1178 页。
- [74] 同[73]。
- [75] [北宋]欧阳忞：《舆地广记》卷三十七《广南西路下》，四川大学出版社，2003，第 1178-1179 页。
- [76] 同上书，第 1179 页。
- [77] 同上书，第 1181 页。
- [78] 同[77]。
- [79] 同上书，第 1182 页。
- [80] 同[79]。
- [81] 同上书，第 1183 页。
- [82] [北宋]欧阳忞：《舆地广记》卷三十七《广南西路下》，四川大学出版社，2003，第 1185 页。
- [83] “正元”即“贞元”，宋人为将“贞”避仁宗赵祯讳，改作“正”，后同。
- [84] 同[82]，第 1186 页。
- [85] [北宋]叶廷珪：《海录碎事》卷四上《地部下》，中华书局，2002，第 116 页。
- [86] [北宋]司马光编著，[元]胡三省音注《资治通鉴》卷六《通鉴释文辨误》，中华书局，1956，第 84 页。
- [87] 同上书，卷九，第 84 页。
- [88] [南宋]郑樵：《通志二十略》卷四十《地理略第一》，中华书局，1995，第 530 页。
- [89] [南宋]周去非著，杨武泉校注《岭外代答校注》卷一《地理门》“百粤故地”条，中华书局，1999，第 1 页。
- [90] [南宋]吕祖谦：《大事记解题》卷十二，清文渊阁四库全书本，第 321 页。
- [91] [南宋]王应麟：《通鉴地理通释》卷二《历代州域总叙中》，傅林祥点校，中华书局，2013，第 26 页。
- [92] [南宋]王称：《东都事略》卷一百三十《附录八》，载赵铁寒主编《宋史资料萃编》第一辑，文海出版社，1979，第 1977 页。
- [93] [元]马端临：《文献通考》卷三百二十三《舆地九》，中华书局，2011，第 2541-2545 页。
- [94] 同上书，卷三百一十五《舆地考一》，第 2468 页。
- [95] 同上书，卷三百二十八《裔考七》，第 2576 页。
- [96] [明]宋濂等：《元史》卷六十三《地理六》，中华书局，1976，第 1538 页。
- [97] [明]姚虞：《岭海舆图》，清守山阁丛书本，第 13 页。
- [98] [明]李贤等纂修《大明一统志》卷八十一《肇庆府》，清文渊阁四库全书本，第 2576 页。
- [99] [明]李贤等纂修《大明一统志》卷八十二《廉州府》，清文渊阁四库全书本，第 2607 页。
- [100] [明]章潢：《图书编》卷二十八《天圆地方图》，清文渊阁四库全书本，第 889 页。
- [101] 同上书，卷二十九《地道总叙》，第 897 页。
- [102] 同上书，卷三十二《周职方春秋列国图总叙》，第 956 页。
- [103] [明]章潢：《图书编》卷三十二《周职方春秋列国图总叙》，清文渊阁四库全书本，第 961 页。
- [104] 同上书，卷四十九《两广总图》，第 1291 页。
- [105] [明]彭大翼：《山堂肆考》卷十五《地理》，清文渊阁四库全书本，第 194 页。
- [106] [明]崇祯《廉州府志》卷一《图经志》，明崇祯十年刻本，第 29 页。
- [107] [明]崇祯《廉州府志》卷一《图经志》，明崇祯十年刻本，第 29 页。
- [108] 同上书，卷二《地理卷》，第 160 页。
- [109] [清]张英等编《御定渊鉴类函》卷三百三十四《州郡部一》，清文渊阁四库全书本，第 7471 页。
- [110] 同上书，卷三百三十五《州郡部一》，第 7506 页。
- [111] 同上书，卷三百三十八《州郡部五》，第 7576 页。
- [112] [清]雍正《广西通志》卷四《图经》“广西总图经”，清文渊阁四库全书本，第 22 页。

- [113] [清]雍正《广西通志》卷七《沿革二》，清文渊阁四库全书本，第45页。
- [114] 同上书，卷九《沿革四》，第50页。
- [115] 同上书，卷四十五《古迹二》，第718页。
- [116] [清]穆彰阿、潘锡恩等纂修《大清一统志》卷四百四十《广东省》，上海古籍出版社，2008，第十册第370-380页。
- [117] [清]穆彰阿、潘锡恩等纂修《大清一统志》卷四百四十七《肇庆府》，上海古籍出版社，2008，第十册第603页。
- [118] 同上书，卷四百四十九《高州府》，第十册第624页。
- [119] 同上书，卷四百五十《廉州府》，第十册第651页。
- [120] 同上书，卷四百五十一《雷州府》，第十册第671页。
- [121] 同上书，卷四百五十二《琼州府》，第十册第697页。
- [122] [清]穆彰阿、潘锡恩等纂修《大清一统志》卷四百七十四《郁林州》，上海古籍出版社，2008，第十一册第344页。
- [123] [清]张玉书等编纂《御制佩文韵府》卷三十七之七，清文渊阁四库全书本，第10372页。
- [124] [清]康熙《廉州府志》卷一《舆图志》，清康熙六十一年刻本。
- [125] 同上书，卷二《地理志》。
- [126] [清]道光《廉州府志》卷五《舆地五》，清道光十三年刻本。
- [127] 同上书，卷一《舆地一》。
- [128] 同[127]。
- [129] 同[127]。
- [130] [清]乾隆《廉州府志》卷二《沿革》，清乾隆二十一年刻本，第88页。
- [131] “武宪中”应作“武德中”。
- [132] 同[130]。
- [133] 同[130]，卷五《世纪》，第167页。